



21461

III

Mag. St. Dr.

P

*Bisniewski Stanisław for: Insigne theologicum  
Adm. Rev. PP. Ord. S. Spiritus de Saxia  
Lamberto Staszewski et Mart. Ham-  
mer — celebratum.*

PANEG. et VITAE

Polon. Fol.

N<sup>o</sup> 950.



Biblioteka Jagiellońska



stdr0002765



INSIGNE  
THEOLOGICVM,

ADMODVM REVERENDIS PATRIBVS,

Ordinis Sancti Spiritûs de Saxia,

P. LAMBERTO PŁESCZYNSKI,

Prouinciæ Polonæ Definitori, & Secretario,

P. MARTINO HANVSZEWIC,

Prouinciæ Polonæ Definitori, & Conu: Crac: Cõcion: Ord:

DVM AB

*Illustri, & Admodum Reuerendo Domino,*

D. M. NICOLAO SVLIKOWSKI,

Sac: Th: Doct: & Profess: Collegâ Maiore, Eccl: Collegiatæ  
S. Floriani Canonico, Contubernij Ziziniani Prouifore.

Sacrâ Theologici Doctoratus Laureâ,

In Peraugusto D.D. Theologorum Lectorio,  
In frequentissimâ Nobilissimorum Hospitum corona  
honorificè collatâ, insignirentur,



P E R

M. STANISLAVM IOSEPHVM BIEZANOWSKI, *Leopolien: Philosophiæ  
Doctorem, Collegam Minorem, Ordinarium Paëseos Professore*

Publico Solenniꝑ; applausu

CELEBRATVM.

Anno Verbi Incarnati 1668. Die 18. Mensis Octobris.

C R A C O V I Æ,

Apud Heredes CHRISTOPHORI SCHEDEL, S. R. M. Typogr.



# I N S T E M M A

Illustrissimi, & Reuerendissimi  
ARCHIPRÆSVLIS.



Ordinis est Sacri decus, illibata Columba,  
Custodit niueam, quæ fine labe Crucem;  
Sol quoq; Præfulci radians in Stemmatis auge;  
Auroræ, roseo lumine, dicit Ave.

Omnia PHOEBEO niuæ sunt lumina pacis,  
Omnia cælorum candor, amorq; trahit,  
Scilicet ipse sui tot ordinis, ipse Corona;  
Omnia PHOEBVS, lumina solus habet.

21461



ILLVSTRISSIMO ET REVERENDISSIMO  
DOMINO,

D. FRANCISCO MARIA  
PHOEBO

Dei, & Apostolicæ Sedis Gratiâ,  
ARCHIEPISCOPO  
TARSENSI,  
SSmi, Dñi, Nri PAPÆ.

Afsistenti, & Prælato Domestico, Vtriusq; Signaturæ  
REFERENDARIO,  
Basilicæ Vaticanæ Canonico, Apostolicarum Ceremoniarum  
Præfecto, Sacræ Congregationis Ceremonialis à Secretis  
Protonotario, & Secretario Apostolico,

Ac Sacri, & Apostolici Archihospitalis S. Spiritus de Saxia,  
De Vrbe Præceptoris, & totius Ordinis eiusdem S. Spiritus

GENERALI MAGISTRO.

D. D. & Patrono Amplissimo.

**V**Enit ab orbe Hyperboreo, ad cultissimam terrarum orbis par-  
tem, Europæq; delictum; Insigni Theologico præfulgens, virtutis  
& sapientiæ decus, Celsissimo Nomini Tuo à me dedicatum, ILLV-  
STRISSIME & REVERENDISSIME DOMINE. Non poterat  
illud in orbe nostro, absq; applausu cultuq; suo comparere. Non poterat in solem  
iuris publici, atq; adeo in ipsam lucis eruditæ amussim, augustumq; orbis Do-  
minæ conspectum, absq; Phœbo suo prodire; cui magna quidem, ex merito  
sua Dignitas, & Præstantia, umbram nihilominus suam non egressa, nisi  
in Phœbei fontem luminis incidisset. Hæc illi portio felicitatis omnium ma-  
xima; quod eò potissimum tempore insignibus Theologicis inclarescat; quo sub  
auspicijs, ILLVSTRISSIMI PHOEBEI Nominis, eruditis non clarere splen-  
doribus, propè piaculum est: magnum ad summa omnia addente stimulum,  
vel ipsa quæ sub arcano tanti Nominis, Vniuersam literatæ gloriæ conclusit



epitomen, Phœbea Claritudinis Maiestate. Quod si decorum semper, bonis mentibus habitum est; Principum suorum, quoties ex aurea mortalium portione selecti, felices imperijs obtigissent, etatem & indolem sapere: quidni ad insignia usq; Theologica saperent ij, quorum sacra pietatis & eruditionis Religiosa, studia, in auream Phœbei Principis etatem, indolemq; eruditissimam incidere. Diem profectò suum, excellentibus in hoc sacro Ordine ingenijs dixisse videtur, admirandus ille virtutum & meritorum fulgor; quo in Ecclesia Dei Illustrissima & Reuerendissima Celsitudo Tua præfulget; ut si unquam alias, nunc certè, tantò illustrius emineant; ut in publico sapientiæ theatro, nunquam absq; sole suo, nunquam absq; lucis honoratæ coronâ spectentur: eò potissimum Ordinis sui GENERALI MAGISTRO; in quo tot summa officia, tot sacri simul splendores, tot eminentium prerogatiuorum insignia conuenere; quibus propè singulis eà Maiestas, & amplitudo est; ut ad parem sui administrationem, ingentia nonnisi nomina, & in orbis exemplum itura admittant. At enimuerò hæc, ita sunt in Te collecta omnia; ceu natiui in Phœbo suo radij, ad quantamcunq; serenitatem parati: quibus non suffecerat, amplissimis in Orbe Christiano effulsiße honoribus; nisi ordinem quoq; sibi commissum, ad nouæ lucis insignia vocassent: impetrato eidem nuper à SSmo Dño Dño Nostro, qui & olim in hoc sacro Ordine floruit, Canonialis Almutij usu. Quod insigne decus, Sacer hic ordo, Illustrissima & Reuerendissima Celsitudini Tuæ, cum se debere profitetur; agnoscit profectò, à tantò Præsule non irradiari propè impossibile; in cuius gentilitio stemmate, ipsa etiam præcipua calorum lumina spectari ambiuerunt. Aduertit huc prudentissimum animum Perillustis & Admodum Reuerendus Dominus, CASIMIRVS SZVLC, Præpositus Conuentus Cracouiensis, & Prouincialis Polonia, Vir summâ virtute, pietate, authoritate, paterni regiminis moderatione, cultus Diuini, Religionisq; zelo ornatissimus; qui ut sub tanto nomine, in Sarmatiâ quoq; nostrâ, deducta ex virtutis & sapientiæ cultu, sua ordini huic, constaret claritudo; authoramento hoc Theologici honoris, NeoDoctores dignissimos, insigniri voluit; honorificentissimum id ratus, quidquid in ILLUSTRISSIMI PHOEBEI Nominis, felicia ordini huic auspicia redundaret. Ad sacras proinde, & Archipræsuleas manus Tuas, Sacrum hoc Theologici honoris depositum, iure suo pertinet; in quo cum multa sibi Septemtrio noster gratulatur; tum illud præcipue; quod delictum illud ILLUSTRISSIMI PHOEBEI Nominis, Phœbo quoq; suo in delicias venerit; de quo summa & amplissima omnia polliceri sibi posse, præcipua eruditorum felicitas est; quæ mihi quoq; tum erit maxima, si opella hæc ex conscientia velati luminis, umbram suam arguens, in eiusdem Illustrissimi Nominis gratiâ inclarescet.





# INSIGNE THEOLOGICVM.

Ad apparatus Virtutis, ex improviso venire,  
quanquam nemini licitum;

*passim tamen, festinantium in arduo, vana contentio est.*

Diuinum hoc, operosissimæ artis peculium,  
nemo vnâ, ceu Phrygium vellus, sarcinâ collegit.  
diu lucta hæc, sub discrimine, sudoreq; donec ad lucra veniat;  
nec tam in expedito,

rosas & myricas; spongas & gemmas legere.

*Adhuc tamen, opinione sua, felices sunt;*  
quibus aureum semper, vna piscatio tripodem; Aurifodinam,  
*vna Vena fimbria spondet.*

Felicitissimi omnium, si vt aureus ijs Mydæ semper ad manum tactus;  
ita duram inter crudeles diuitias, non tangere famem,  
æquè ad manum esset.

Sed

magna pars insanie, in Virtute quoq; repentina cõpendia querere;  
ceu Heroes suos, vnus pluuiæ fungos habeat;  
tamq; veniat facilis, quam ligustra facile cadunt.

Quis illud virilis animi votum censeat?  
ad quod fatuæ aures non tinniunt; cum cymbalum adulatio suum pulsat, vouetq;  
quicquid calcaueris, rosa fiat.

Hoc certè, in Palæstra virtutis, stylo ferreo dignum;  
in qua masculum nemo incesum suspendit, etiamsi quicquid calcauerit, spina sit.

Cauta quidem sic incedentibus vestigia, lentaq; ;



sed his deinceps, rhedæ argentatæ, carucæq;  
*qua Seuerus auctoritati senatûs concessit, ex insignibus honorum decernuntur.*

Seria nimirum virtutem cura,  
*seraq; ex apparatu copia decet.*

Insignia ei decoraq; , antequam puluerulenta sit,  
notæ plusquam Censoriæ; laudes, contumeliæ sunt.

Post Heroicos actus secura,

confidentiùs sellam curulem, laticlauumq; capitis  
*inclinare caput ad laureas, pectus ad insignia ferre, tum demùm cogitans;*  
cùm vtrumq; sudauit maximè.

*Fiducia hac, securitasq; Vestra,*

*Adm: Rdi:* PATRES NEO DOCTORES dignissimi,  
iuris iam publici facta;

*ad insigne Theologicum, non tam ex voto, quàm ex merito venit.*

Verecundus illi quidem aspectus,

*et qualis honorata luci oblectantium esse solet;*  
vel ex hoc ipso tamen, spectari celsiùs, clarereq; dignior,  
*quantò seueriùs in se refugit, descenditq; profundius.*

Quanquam & hîc

modestissimo sensu, dum nihil in se æstimat;  
*pulcherrimum illud, nihil in se æstimantium, meruit æstimari.*

Quidni verò id vobis seriò contingeret?

*quibus ad apparatus virtutis, conatus luctaq; perpetua;*  
nunquam sine cæstu, nunquam fine agoniâ transiêre.

*Insignes, ante insignia honorum, ut prodiretis;*

Crucis primùm niuex, insigne placuit;

constititq; in Vobis;

*integerrimo cuiq; pectori, maximum ad altiora suffragium,*  
candidâ mente pati.

Sub hoc vexillo, magni patientiæ Heroes,

*à charitatis disciplinâ, sapientiæ doctoratum exoristi;*

dignas annulo Doctorali manus,

adseruitia pauperum Christi, primò demisistis.

nulla



Nulla quippe mahus, annulari gemmâ dignior;  
*quàm qua, in obsequio charitatis, sponsalia Christi meruit.*

### Initium hoc sapientiæ,

*ab inunctis Christi pedibus, qui pauperes sunt, captum;*  
ad Cathedram Theologicam sublimari debuit.

*Grandis quippè eruditæ charitas, liberq; septē signaculis clausus est;*  
*quem aperire, Agnus non nisi occisus docuit;*  
*maxima ipse victima charitatis.*

### Ex hoc arcano profundius vt saperes,

*Academica studia tua, quibus sub Iagellonica sceptrorum cruce incubueras;*  
ad Crucem charitatis niueam transtulisti,

Adm. Rde: Pater **LAMBERTE PLESCZYNSKI.**  
animo sanè totus candidus, niueusq;;

*Et cui nihil difficilius vnquam, quàm latere.*

### Nec diu latuit,

qualem te sacra niuæ Crucis militia acceperit, feceritq;  
*cùm ad insigne tuū respiciens, sincerissimo cordi identidē inculcares;*  
qui ambulat simpliciter, ambulat confidenter.

*Laborem ergo, ex amore Christi complexus;*

fatigari in eo cùm non posses;

Visus es, aut totus in spiritu, aut totus spiritus viuere:  
*cùm in ordine S. SPIRITVS, omnia sincerissimè elaborata sustineres.*

### In Præpositura Sandomiriensi,

omnia omnibus factus, verum Te charitatis Præsidem probasti:  
*adeò quidem, vt quò plures, in viscera charitatis admitteres;*  
ipsa etiam, si liceret, viscera profudisses.

*Charitas profectò vberum plena; in Te tota planè vber fuit;*  
*refecitq; sapius & nutriuit, non sugentes tantum, sed etiam sugillantes.*

Ex hac Tibi, sacræ quoq; vis eloquentiæ,  
quæ Te, Concionatoris munere fungi, vel ideo diutiùs voluit;  
*vt per oracula simul & exempla Tua, tantò feliciùs peroraret.*

### Optimum id omnium,



cùm vita loquitur, quod in suggestu triumphat;  
*tam amico in Te consensu; quàm definiendi, quæ recta sunt, salubri iudicio;*

## Cùm Prouinciæ Poloniæ Definitor,

*illud primum agas, adimpleasq; quod in alijs ad amussim perfectionis definias.*

## Hoc summâ cum laude agentem,

*pulcherrimâ imitatione secutus semper, ad insigne Theologicum asecutus es,*

*Adm: Rnde: Pater MARTINE HANVSZEWIC,*

Magnanimam indolem tuam, Crux quoq; niuea decuit;

*ut in hoc signo, Stygiam tenebrarum indolem, aperte vinceret.*

Cultissimum illum, quem circumfers animum;

## literarum in Te elegantia fecit;

*quæ cum pectus aureum insedisset; os quoq; nectareum eloquentiæ dedit.*

Solida hæc in Te, nec tam in flores prodiga, quàm fructus;

*In sole nimirum Theologici studij maturuit;*

Cuius Tu curriculum magnâ virtute, & constantiâ emensus;

*etiam conflictari inter reciprococos astus; quàm non maturescere maluisti.*

Sed respondit quoq; pertinaci labori, naturæ bonitas;

*quæ ingenio quantumuis felix, tetricas tamen nocturnas curas non omisit;*

*ut fieret potius bona, quàm nasceretur.*

## Talem oportuit,

*ad Ordinariam Concionatoris Cathedram, animum in Te fieri;*

## qui erudito Cornucopiæ plenus;

*plura semper polliceretur, quàmuis iam selectissima protulisset.*

Non exhaurit eum, interualla licet non sentiat,

*quæ perenni latice, illimis fertur, dicendi copia.*

## Sapiens quippe animus,

indeficiens illis rectè sentiendi dicendiq; vena est;

*qui eum, ad usq; Vinam intelligentiæ scaturiginem, excoluere.*

Inexhaustus hic Tibi & ubiq; promptus,

*inter oracula Suada, ut prudentiæ quoq; oracula pangeret;*

ad arcanum Consilij, Prouinciæ Poloniæ Definitor accessisti.

*Ita decoris utrumq; nominibus virtus,*

*ad insigne Theologicum preparauit.*

Doctorale id, & in Regno sapientiæ primum;

*ut in.*



vt intelligatis.

sub Illustrissimo FRANCISCO MARIA PHOEBEO,  
doctarum apud Vos sæcula florere coronarum;  
*quæ cum in Vos, ab augusta Phœbi Sarmatici manu descendant;*

Scitote eas, non aliàs magis;

*quàm sub tanto nomine, efflorescere debuisse.*  
delecta ad id capita Vestra, insigni ad alios exemplos;  
*vt inter opera charitatis, sapientiæ quodq; decora cogitent.*

Charitatis quippe caput aurum optimum;  
*manus eius tornatiles aurea, plena hyacinthis;*  
*nonne vt coronent, super egenum & pauperem intelligentes.*

Intelligentia hæc sapientis gloriæ motrix,

faxit Deus!

perpetua sit, gratæ memoriæ tessera;

vt par istud Vestrum;

*inter pulcherrima insignium virorum, nomina veniat,*

quod pariter meruit,

Insigniri.



V O T I V V M  
AMICI PECTORIS  
I N S I G N E.



Uc innocentis Lilia sæculi,  
Nubesq; gemmis facta liquentibus.  
Niuisq; candentes procellæ,  
Deciduos properate nimbos;

C

Qua



Quà sub Columbæ, Crux niueis micat  
 Eburna pennis; quâ capiti Sacro  
 Honos paratus, candidato  
 Par niueum, iubet ire passu,  
 Ad eminentis rostra scientiæ,  
 Laurumq; summam. quid meritos gradus  
 Suspendis? ô insigne docti  
 Par animi, geminumq; Stoæ  
 Decus Polonæ! candor eburneis  
 Latè corymbis, sub pedibus tibi  
 Iter triumphatum coronat;  
 Subq; Crucis niuæ Trophæo,  
 Herôa virtus iungit amabiles  
 Ducitq; dextras, Hûc tua candido  
 LAMBERTE, nix dilecta cordi,  
 Hûc animi pietas fidesq;  
 Intaminatis vecta curulibus  
 I o feratur! totaq; pectoris,  
 Virtus eburni, quæq; cingi  
 Theologis meruit corymbis,  
 Dos elegantis culta scientiæ,  
 Insigne magnis nominibus caput,  
 Ad summa tollat; iamq; doctis,  
 Grande Viris decus æmuletur.  
 Tecum decoris passibus & Tua  
 Flos exedrarum, suada tonantium  
 Procedat; ignitisq; feruens  
 Visceribus, pia flamma sacræ  
 Dilectionis. nec minor aurei  
 Oris venustas, venaq; mustea  
 Sacris IANVSZEWIC fluentis  
 Te sequitur, Cracijsq; latè  
 Rostris triumphat; qualis in Atticis  
 Illime nectar fuderat alueis,  
 Qualis catenarumq; duxit,  
 Herculeos pretiosa torques.  
 Imus secundis non sine plausibus  
 Ab eloquentis flumine copiar  
 Imus, nec est vinctas pudendum  
 Ferre manus, dare colla dulci  
 Iugo salutis; quando pius sacræ,  
 MARTINE Victor vincis in exedrâ,  
 Orbiq; rursus fulminantes,  
 Flammigero geris ore Paulos.

Ardor



Ardor salutis flammeus hos tibi  
 Accendit ignes, diaq; charitas.  
 Et quæ tot annis erudita,  
 Cor sapiens dederat Palæstra-  
 Sudatus in qua pulvis Olympicus,  
 Ad vsq; doctas fecit adoreas,  
 Te grande consummasse tandem  
 Theologi studium laboris.  
 Hoc iam Togatis complet honoribus,  
 Insigne Vestrum; quo geminum caput,  
 Vnumq; cor, vnumq; pectus,  
 Docta manus SVLIKOVVIANA  
 Quando coronat; non humiles decet,  
 Aptare chordas pectinis aurei;  
 Carmenq; Doctorale fas est,  
 Threiciâ cecinisse buxo.  
 Amica doctis sæcula mentibus,  
 O ergò quotquot mellifluos dies  
 Tulêre! iucundiq; quotquot,  
 Auricomo emicuere vultu.  
 In Orbesoles, liligeris eant,  
 Vecti quadrigis, totaq; faustitas  
 Se tollat, in vestros honores;  
 Vos niueis foueatq; pennis,  
 Columba vestri Symbolon Ordinis;  
 Cuius sub vmbra viuite, viuite,  
 Latiq; DOCTORES, duæq;,  
 Pectoris innocui columbæ.





Pectoris innocui columbae  
 Lactis; Doctores, durae  
 Consilio vmbrae vineae, vinctae  
 Columbae vestri Symbolon Ordinis;  
 Vos nuncis foueat; pennae;  
 se tollat in vestros honores;  
 Venti quadrigis, totaeque fastigis  
 In Orbelos, ligetis eam.  
 Auro como emicere vultis;  
 Alere! incundis; quodque;  
 O ergo quatuor mellibus dies  
 Amicae doctis saecula mentibus;  
 Throni;  
 Carmine; forte ita est;  
 Aprate choros; inis; auri;  
 Quando coronae non humiles decet;  
 Doctae; SAVANHOVIANA  
 Vnumque; cor; vnumque; pedus;  
 Insigne Vestrum; duo geminum caput;  
 Hoc iam; laetis; complet honoribus;  
 Theologi studium laboris;  
 Te grande consummante tandem  
 Ad vlt; doctas recte adoras;  
 Subactos in qua pulvis Olympicus;  
 Cor sapientiae debet; Palatia-  
 Et que tot annis erudit;  
 Accendit ignes; diis; charitas;  
 Ardor solans flammis; hos tibi









